

二臣傳上

1

100

100

100

100

貳臣傳卷之八

金之俊列傳

金之俊江南吳江人明萬歷四十七年進士官至兵部右侍郎流賊李自成陷京師之俊不能死被拷索本朝順治元年大兵定京師之俊降仍原官疏請先蠲租之

詔於畿

甸以慰民望又言土寇率衆歸誠者宜赦罪勿論其縛渠來獻者宜分別敘功就撫之衆宜編置牌甲令各安故業無恒產者宜設法區畫請

頒諭各鎮道府

遵行尋奏薦故明薊遼總督丁魁楚陝西總

督丁啟睿陝西巡撫線國安副都御史房可壯吏部

員外郎左懋泰河東守道郝綱等並才堪錄用又劾

通州道鄭輝優游養寇勦撫無聞三關鎮臣郝之潤

借名誅僞縱兵肆掠俱宜罷斥並請趣畿南北按臣

及監司以下官速補赴任禁止滿洲官役額外需索

駙邁夫馬疏入悉採納之二年五月以京師米價日

增疏言西北糧食取給東南自闖賊亂後南粟不達

京師至北地米價昂貴今大兵直取江南計蘇松常

鎮及杭嘉湖七郡漕白必抵南庾須急令漕督星馳
淮上巡漕御史疾趨瓜揚經理運務俟金陵底定酌
留之餘悉轉太倉南粟既來米價自減

詔速議

行六月條陳漕政八事一衛所旂軍旣裁宜別設運
官漕卒一明季舊艘殘毀宜改用投順兵船一南漕
抵濟宜別造剝船轉運津通一加耗應照明初舊例
餘悉蠲除一征收宜責正印勿委佐貳一漕道宜駐
濟寧專司剝運各省糧道至濟交卸卽押回空其足
額與否聽漕道驗報一漕米除蠲餉外視舊額盈餘

若干悉爲改折隨漕征解一漕運官軍除交兌外仍
支給坐行二糧疏下所司知之七月調吏部右侍郎
三年疏請酌改銓選進士之制謂故明舊例二甲選
部屬知州三甲選中行評博推官知縣不論名次內
外互選于政體人情均未協請以二甲前五名選
部屬後二十名與三甲前十名選中行評博十一名
至二十名選知州二十一名至七十名選推官餘選
知縣得

允行五年擢工部尙書六年請假歸葬許之以礮局失火

之後坐分賠

特子寬貫令罰俸三月旋以

恩詔加太子太保七年假滿還朝八年遷兵部尙書晉少保
兼太子太保十年正月調都察院左都御史會與大
學士陳名夏等議革職總兵任珍罪之後坐黨附論
死奉

旨從寬削加銜罰俸一年五月疏言審擬盜犯不宜概行藉
沒致累無辜請依正律又言直省提學例以僉事道
分遣視事若畿輔爲首善之區江南爲人才之會請

以翰林官簡用均

報可尋遷吏部尙書十一月授

國史院大學士十二月充會試主考官初之俊引疾乞
休不允十三年二月

諭曰君臣之義終始相維爾等今後毋以引年請歸爲念受
朕殊恩豈忍違朕朕亦何忍使爾告歸若決於引退卽忍
於忘君矣之俊奏曰臣蒙

皇上隆恩但懼不能報効何忍遽違

恩眷越日

上復諭諸大臣曰昨歲之俊病甚朕遣人圖其容念彼已老
倘不起不復相見故乘其在時命工繪像蓋不勝眷戀如
此諸臣亦有衰老者豈不有歸田休養之念但經朕簡用
之人欲皓首相依不忍離也之俊泣奏曰諸臣中無才者
莫過于臣受

皇上深恩而負重罪者亦莫過于臣舛誤滋多惟恐廢職非
忍于離

天顏也十五年九月改內三院爲殿閣銜以之俊爲

中和殿大學士兼吏部尙書十二月同校定律例十六

年二月

詔立明莊烈帝碑

命之俊撰文以進是月加太保兼太子太師五月以大學士
李蔚于兵部請武進士劉斐等俸祿一疏票擬任意
之俊看詳疎忽有

旨切責部議降二級留任罰俸一年旋加

恩寬免八月請假葬歸十七年在籍自陳乞罷

溫諭來京供職未至加太傅十八年改殿閣銜仍爲內三院
授之俊秘書院大學士康熙元年

黃目
卷八

四

予告致仕之俊回籍後屢以衰老乞休至是始從所請四年

應

詔馳疏陳三事一決囚當有定候凡監候斬絞之犯請照例

秋後行刑一考成尚需通融酌免有司之實降實革以責久任分別糧里之欠少欠多以示勸懲一民間挾私叩聞因而凌鑠官府以紊法紀者宜申嚴禁疏入報

聞之俊家居數年有撰匿名帖榜其門者多言其賍私曖昧事之俊白之總督郎廷佐窮治之牽累不決事

聞八年正月

論曰匿名帖乃奸惡之徒造寫陷害平人者如見其投擲拿
獲理應照律從重治罪若因此究問則必致誅連無辜律
載收審匿名帖者將審問之人治罪金之俊將匿名帖送
究郎廷佐收受察拏俱生事不合着議處於是廷佐鑄工
級之俊削太傅銜九年卒

賜祭葬如例謚文通

因當官家對人語與神交之罪請罪四

胡世安列傳

胡世安四川井研人明崇禎元年進士改庶吉士累官詹事府少詹事

本朝順治元年四月大兵定京師世安降授原官尋裁詹事府授翰林院侍讀學士掌院事十二月

賜鞍馬二年遷

國史院學士尋充修明史副總裁五年八月遷禮部左侍郎十月丁母憂奉

旨在京守制九年三月擢禮部尙書十二月侍

宴中和殿

賜貂皮朝衣一襲十年以覆審總兵任珍罪徇黨附和部議

革職永不敘用得

旨著降三級留任十二年二月以病乞休

上慰留之七月考滿加太子太保廕一子入監讀書十三年

三月副都御史魏裔介廣東道御史焦毓瑞交章劾

世安受大學士陳之遴囑薦其同鄉安肅令沈令式

爲知府令式庸劣旋爲總督李蔭祖所叅植黨營私

確有可據

命世安回奏世安疏言保舉令式憑學臣鹽臣薦章非因之
遴推舉下部議以世安失于詳慎罰俸一年四月

諭曰胡世安在禮部最久乃典禮甚多未協有負委任著革
去太子太保降三級照舊辦事十四年充

經筵講官十五年晉

武英殿大學士兼兵部尚書十六年三月

詔以大學士胡世安奉職有年勤勞素著仍加太子太保六
月考滿加少傅兼太子太傅十八年正月

聖祖仁皇帝御極仍改殿閣銜爲內三院以世安爲秘書院

大學士十二月以疾乞休加少師兼太子太師致仕
康熙二年卒

祭葬如例

大學士兼兵部尚書
二十五年

大學士兼兵部尚書
二十四年

大學士兼兵部尚書
二十三年

大學士兼兵部尚書
二十二年

田維嘉列傳

田維嘉直隸饒陽人明萬歷四十四年進士累官吏部尙書崇禎十年變考選例知縣推官政優者得入爲翰林次科道次部主事給事中陳啟新奏考選不公莊烈帝取吏部咨訪冊閱之罪濫徇者貶黜給事中孫晉李右讜御史萬好善葉初春等維嘉懼乃請先推部曹少詹事項煜言維嘉阿大學士張至發優其所親任濬諭德黃景昉亦言素著廉能之成勇宋天麟未預清華選乃命集已授部選及候選者廷試

親定甲乙勇等皆改官給事中吳麟徵御史宋學洙
交章劾維嘉賍污檢討楊士聰復劾其納周汝弼金
用為延綏巡撫御史史壘為居間乃逮訊史壘及維
嘉家人會有兵事獄久不結壘瘐死事得寢維嘉引
疾歸里

本

朝順治元年六月維嘉遣子敬宗齎疏自陳倡率饒
陽紳士擒斬流賊李自成所置偽令拒卻賊黨康文
斗郭壯畿開通道路舉城歸順得

旨召維嘉赴京錄用八月維嘉至

命以刑部尙書管左侍郎事九月疏陳衰病乞歸

諭曰田維嘉星馳趨召具見急公覽奏情詞懇切准回籍調
理病痊起用二年二月卒子敬宗以卹廕請禮部言維嘉
未任事卽歸不准卹廕

沈維炳列傳

沈維炳湖廣孝感人明萬歷四十四年進士初任香
河知縣入爲刑科給事中天啟元年廷臣爭紅丸案
兵部尙書黃克纘述進藥始末力爲首輔方從哲辨
維炳與同官薛文周劾其昵私交昧大義二年遼東
經畧熊廷弼巡撫王化貞以廣寧失陷逮勘登萊道
佟卜年卜年廷弼所薦有訐其謀叛者大學士沈淮兵部
尙書張鶴鳴欲藉以重廷弼罪惟炳疏言淮因言官
列其私跡借廷弼爲抵彊謝過之具廷弼承失地之

罪足矣豈必加以他辭鶴鳴左袒化貞角勝廷弼致
經撫兩敗獨鶴鳴超然事外今復欲加罪廷弼有背
公論實與濯朋謀三年御史郭鞏劾左都御史楊漣
等保舉廷弼黨邪誤國惟炳疏言諸臣欲殺廷弼特
借名報怨非真爲封疆起見也漣與廷弼本不相蒙
今牽入一案且波及數十人方今乃臥薪嘗膽之日
豈報怨爭鳴之日耶四年轉吏科都給事中疏論魏
忠賢所用立枷法不可行值吏部尙書趙南星放歸
惟炳論獲佚調外崇禎元年復原官刑科都給事中

薛國觀劾其與兵科給事中許譽卿王盟東林把持
察典譽卿引疾歸惟炳任職如故洊遷吏部左侍郎
及流賊李自成至不能死受拷掠

本朝順治元年五月睿親王多爾袞定京師惟炳投誠
令仍任原官六月啟言維炳爲亡國之臣仍舊服官
雖

朝章不罪其偷生而臣義則能無愧死且年已六十有
四兩目昏盲視字如霧足膝疼痛拜跪苦難乞賜投
閒睿親王憫留之七月啟言維炳于三四月間幽困

賊營今無家可歸卽謝事亦不敢求去願長依

輦轂下但素性多執弗克周旋人情恐怨謗日生卽欲

矜全亦有不能望早賜罷斥膚親王復諭曰前旣慰

留當盡心供職不辭勞怨何得疑慮謗毀豫以私情

陳請九月疏言自流賊毒辱搢紳後引遜全生者甚多維荷

新朝寬大以示招捩乃人情躁競吏員冒正途粟監冒

明經生儒冒貢監白丁冒冠裳遠年罪廢而匿情起

用輿論共棄而借資求銓總因官制未定人希意外

之榮宜盡數察出或姑令任事徐觀其後或從新改

正各還其原卽前朝末政亦多可議臣爲前朝舊臣何忍斥言明政之非然而

興朝作新應斟酌因革以爲百世之準疏入得

旨沈惟炳職掌佐銓宜率屬釐剔公敘清澄使吏稱民安作新治道各官已用者姑免追究以後著嚴加察核不許仍踵陋習違者劾之順治二年正月以吏部推用御史之葉

定秀現爲明福王朱由崧光祿少卿又推補原官之明吏部員外郎左懋泰其兄懋弟爲明福王使臣北來弗歸順吏部不檢舉下刑部審擬惟炳革職免杖

閏六月副都御史劉漢儒劾惟炳子宣府推官沈宜
憑父勢久招物議今巡按御史張鳴駿薦其堪膺科
道顯係徇情且沈宜雖曰明經其考選之文係人代
作又惟炳曾選其二僕沈永寧沈元貞爲典史冒濫
官常並宜斥逐事下刑部擬問沈宜由貢考職部冊
可據所指作文之人未預考無代筆事沈永寧沈元
貞非惟炳僕所糾諸款不實宜復職惟年已老旣罷
弟復用

黃圖安列傳

黃圖安山東堂邑人明崇禎十年進士由推官內陞吏部主事遷員外郎管餉易州尋授易州道

本朝順治元年五月圖安率所屬投誠

命仍原官時沿河牟山等處賊尙嘯聚而河間巨盜李聯考糾衆萬餘犯易州界圖安親擒賊首餘黨悉平二年四月以剿撫功擢甘肅巡撫圖安以母老疏辭易州民郭世明等亦赴

闕懇留得

旨黃圖安擢撫巖疆著速赴新任殫力料理所請俱不允三

年二月疏言流賊李自成荼毒中原橫蹂三秦望風
皆糜惟故明撫鎮將吏矢心戮力誓死不降如巡撫
林日瑞總兵馬爌副將郭大吉歐陽袞遊擊哈惟新
張際都司萬烜姚世儒高登科姜宏基守備郭維崎
同知藍台等或甘心白及或罵賊自刎請

勅部旌獎以慰忠魂意下所司六月調寧夏巡撫八月復疏

請終養

諭部察議以西陲多事借端規避革職四年三月追議圖安

于甘肅巡撫任內服用違制已革職永不敘用先是
大學士范文程以圖安母年八十一終養乃人子至
情吏部不宜遽議斥擬爲申奏值齋期未果白于鄭
親王濟爾哈朗睿親王多爾袞知之責文程擅專請
下法司勘訊削職既而釋之九年四月文程復爲圖
安請起用得

旨黃圖

安著以僉都御史巡撫用十一年二月復授寧夏巡
撫時左都御史魏裔介請裁併各省道員

命督撫

議奏十三年圖安疏言寧夏係西北重鎮河西道駐

詔如所

鎮城內督征屯糧兵餉兼理學政所管漢唐等渠引
水灌溉裕賦資民關係甚鉅河東道駐靈州東至花
馬池接延安定邊西至半個城接固原慶陽北自橫
城至長邊所在衝險彈壓料理極爲繁要均難議裁
請十四年考滿加副都御史銜廕一子入監十六年
濟南知府費一奇以贖爲山東巡撫程衡所劾給事
中姚延啟因疏言一奇曾在慶陽同知寧夏巡撫黃
圖安保舉匪人貽害地方且圖安自任巡撫絕無勞
績可紀卽濫舉一端已足覘其庸劣有素請治罪以

爲朦徇者戒下部議圖安降五級調用尋卒

高斗光列傳

高斗光山東嘉祥人明萬歷四十七年進士天啟間任直隸南和縣知縣遷保定府知府崇禎末以給事中沈迅保薦擢鳳陽總督流寇張獻忠陷倉山犯無爲御史詹兆恒力劾不報後賊臨江欲渡斗光不能禦兆恒陳內外合防策再劾斗光請以史可法代遂罷譴舉主沈迅亦被謫

本

朝順治元年以錦衣衛百戶危列宿奏薦授偏沅巡撫二年御史吳達劾大學士馮銓語涉斗光在前朝

頁目傳
卷八
失陷封疆事斗光疏辯請與達質

命速赴任不必自求召見尋疏陳安民弭盜事得

旨偏沅重地新經撫定其間安集機宜高斗光當俟到任後
詳確入告如此泛陳殊爲無當初湖北當明季時土寇蜂

起迄明亡蔓延彌甚是年順承郡王勒克德渾統師
征討屢敗賊賊勢漸挫旣班師賊之在湖南者復肆
掠偏沅道梗斗光不能達乃駐節武昌三年奏請發
大兵往勦恭順王孔有德爲大將軍率將士趨湖廣
斗光進駐荊州四年故明總兵任宣烈率家屬來降

斗光遣宣烈招撫安鄉丈田各寨擊走僞將鄭二龍
李春輝等扼之洞庭湖口斬首數百溺死無數尋請
借荆關料稅開局鼓鑄生息佐軍又請復常德舊局
鼓鑄借協餉銀爲鑄本接濟之需並得

頁允行

七月安化土賊瞞城中文武官出應調遣乘間入城

劫掠典史孫煜集兵捕賊

郤賊

走踞山寨斗光檄長沙

鎮兵赴勦盡殲之先是湘鄉諸生蕭漢奇爲仇家誣

訐違制蓄髮繫獄知縣劉越薌雪其寃釋之因受漢

奇餽謝越薌故貪汚至是斗光以越薌子生員蓄髮

事嚇詐受財列欵糾劾未詳漢奇被誣狀疏入

上以斗光但劾越鄉劣蹟不窮治生員蓄髮事下部議降二級調用會斗光老病請休總督羅繡錦亦以無臣右手偏廢入奏部議照所降級致仕尋卒

房可壯列傳

房可壯山東益都人明萬歷三十五年進士授御史
天啟元年三月我

太祖高

皇帝親統師取瀋陽遼陽明經畧袁應泰自經死可

壯疏請起用原任漕運總督李三才爲經畧下廷臣
集議通政使叅議吳殿邦阻止之四年十月吏部尙
書趙南星罷魏忠賢欲用其私人代之侍郎林子廷
不從時可壯掌河南道事與于廷等會推喬允升馮
從吾汪應蛟三人忠賢傳旨切責可壯及于廷等並

貶黜崇禎元年三月起忤璫諸臣可壯補原官十一月會推閣臣次列禮部侍郎錢謙益尙書溫體仁訐謙益主浙江鄉試時關節受賄諸臣黨比推舉莊烈帝召謙益及給事中章允儒等廷訊事詳錢謙益傳可壯坐黨比降秩尋游遷副都御史十五年五月吏部尙書李自宣給事中章正宸御史張煊等會推閣臣可壯及侍郎宋枚大理卿張三謨預焉是時大學士陳演以試御史廖子義私囑都察院予實授可壯與張煊持不可于義糾可壯煊不公下吏部議坐于

義挾私降調之罪至是演奏會推事徇私濫舉莊烈
帝怒御中左門召李自宣章正宸等語其妄舉自宣
奏辨稱可壯峻節練識莊烈帝益怒下刑部定讞自
宣等戍邊可壯與宋枚張三謨削籍歸福王朱由崧
時御史陳子龍請召用可壯大學士姜曰廣亦薦之
行人朱統鐓劾曰廣引用東林死黨把持朝政曰廣
乞罷歸議遂寢

本朝順治元年六月招撫侍郎王鰲永至山東可壯率
鄉人殺流賊所置僞益都令奉表投誠鰲永疏請

召用侍郎金之俊給事中郝傑亦交章荐之三年二月授大理寺卿六月疏言舊制大理寺掌覆核刑部諸司問斷當者定案入奏請再讞近見刑部鞫囚有徑行請旨處決者未足以昭慎重宜仍歸大理覆核會奏並請敕法司早定律令以臻協中之治從之十一月擢刑部右侍郎

郎五年轉左六年遇

恩詔加

右都御史銜八年八月加太子太保十月以右都御

史管左副都御史事九年三月陞左都御史會風霾

遵

諭陳言請稽古勤民減不急之費廣

欽恤之仁並

飭督撫申戒有司無悖

旨征收已蠲錢糧培克困民

上命實指有司困民狀可壯因奏江南華亭知縣周世昌山

東臨朐知縣童本胡苛斂浮征事下所司鞫實褫職

十二月給事中杜篤祐疏言叠奉

諭旨申飭都察院陳奏各官勤惰政事修廢無得徇情不言

並令糾駁諸臣章奏數月以來左都御史房可壯不

問遵

旨赴陳惟有請復關差及添官行商之疏經給事中周之桂
孫作齡疏駁及戶部覆奏並不准行是其苟且塞責
無以仰副

聖懷况大計及按差復

命屆期舉劾尤宜公正難容尸位素餐

上命可壯回奏奏上篤祐復劾其支節戀職可壯乃以衰老

乞罷

詔復原官致仕十年正月御史吳達疏糾吏部尚書高爾巖

職任銓衡漫無甄別如房可壯之風紀消靡直待科
糾始自陳引去

上以吳達不言于可壯致仕之先切責之五月漢軍正藍旂
佐領張榮舉首歸旂候補副將賈漢復奢縱違制等
款詞連可壯任左都御史時屢詣漢復家屏人密議
下刑部質訊以漢復素識可壯其密議事無左証得
旨原宥十月卒于家贈少保廕一子入監

民皆不樂歸之

陳仲英以爲其意不在此也

自是已生五五在國史書

前漢書首書徵徵

可與在公

守自

守自

劉漢儒列傳

劉漢儒順天大興人明天啟二年進士崇禎時累官至四川巡撫流賊陷夔州圍太平石柱土司秦良玉率兵援漢儒運長慶米濟其軍太平圍解中書涂原練鄉勇守梁山擊退賊漢儒及巡按御史黨崇雅請用原以蜀人治蜀兵莊烈帝不許并罷漢儒

本朝順治元年五月起授都察院左副都御史九月

世祖章

皇帝車駕將至京師羣臣俱赴通州迎漢儒疏言城守空虛懼奸民竊發請留重臣以鎮中外派守兵以

賜鞍馬

嚴出入遠偵探以杜窺伺下部知之十二月

時流賊自太原直犯井陘始開城殺官仍退據固關漢儒疏言井陘險峻崎嶇一人當關萬夫莫敵且去正定近倘賊兵長驅正定無兵可恃今宜飛檄官兵視賊所向或直搗其巢或分截其路賊可就擒否則我兵南剿賊已近在肘腋土賊響應首尾兼顧鞭長不及勿謂疥癬毋煩過慮下所司知之二年閏六月疏言頃者南差不用南人乃一時權宜計今天下一統何分南北嗣後遇巡按差缺除迴避本省外酌量

隔省資才堪任者列名奏請

簡用得

旨各省巡按南北一體差用但家鄉鄰近者雖隔省亦不得
差是月

賜紗蟒衣一襲七月疏言十三道御史原百有二十用以巡
方糾察我

朝酌減至六十今差務日繁銓部竟未考滿何以應差
請

敕部速補

實目傳 卷八 三
詔如所請行八月御史王守履劾漢儒係大學士馮銓黨爲
御史江禹緒營求招撫鄖陽漢儒具疏辨並引病求
罷得

旨劉漢儒無端被誣著益盡心職掌以振風紀三年復以病
乞休康熙四年卒

賜祭葬如例

王永吉列傳

王永吉江南高郵人明天啟進士官至薊遼總督

本朝順治二年以順天巡撫宋權荐授大理寺卿四年
奏請遣官往直省恤刑尋擢工部右侍郎永吉疏辭
上以永吉實非恬退而徒尙虛名

特允所請並

諭永不錄用以懲陋習永吉既罷家居數年會有
旨起用廢員復至京八年閏二月吏部荐列永吉才品可任

八月起授戶部右侍郎九月條奏三事一各衛所屯

地分上中下三等請撥上田給運丁以濟運費一各
項抵色銀請仍令官收官解其本色物料動支折價
採買如額足酌加以甦民累一洲田丈量重爲民害
請以蘆課并入各州縣考成五年一次丈量皆見採
擇明年七月條奏沿河事宜畧曰黃水自邳宿下至
清河口淮泗之水聚于洪澤湖亦出清河口淮黃交
會黃強淮弱勢不敵淮泗逼而南趨四百餘里出瓜
洲儀徵方能達江一線運河收束甚緊卽有大小閘
河宣洩而海口不開下流壅滯所以河堤潰決修築

歲費金錢九載以來八年昏墊海口之當開固不容少緩者也第海口之在興化泰州鹽城境內者輒爲附近居民填塞乞

敕河漕重臣遴委才能親往相度開濬疏通復其故道淮泗水消則黃河勢減矣是時直隸河北諸省皆患水災江以南復旱屢

詔所司議蠲賑而湖川閩廣各鎮戰守官兵急需本折糧餉永吉以來年兵馬之餉飢民冬春之苦並當預籌請
召見廷臣各抒足餉救荒之策以俟

聖斷奉

旨王永吉必有良策著詳具以聞永吉因言各省老弱病廢
罪革占冒之兵當清而老病弱斃缺額之馬亦當清
十汰其二以百萬之餉計之歲可省二十萬卽以裁
省之項酌定直省災傷分數

詔諭蠲賑自寬然有餘則兵清而餉亦裕賦減而民更安矣
上嘉納之會畿輔姦民有借投充旗下以橫行散法者永吉

奏請

敕禁諸王大臣濫收漢人投旗以息諸弊十年二月擢兵部

尙書十一年二月同刑部尙書覺羅巴哈納等分賑直隸八府三月轉都察院左都御史奏言鄭成功盤踞漳泉惠潮之間悖逆顯著乞

諭督撫諸臣製器械練兵不可因成功已經受撫心生懈怠

更不可顯露張皇以致疑畏反側又奏請以江寧總兵移駐鎮江蘇州提督移駐吳淞劉河

上皆從之四月授秘書院大學士八月罷先是永吉在兵部

時鞫德州禿生呂煌窩逃行賄事審結稽遲出入未當至是下諸王大臣詰問永吉厲聲爭辨尋以鑄級

言日傳
卷八
三
罰俸議上得

旨王永吉破格超擢簡任機密當竭力爲國以圖報稱昨諸
王大臣會議呂煌一案詰問情由輒張威忿怒全無小心
敬慎之意豈非欲效陳名夏故態耶負恩殊甚宜加重懲
姑從寬革去大學士降一級調用九月補總督倉場戶部
左侍郎奏定領運官盜買侵蝕漕糧追還未清計分
科罪之例十二年二月仍授

國史院大學士

上以銓政重大必清直練達乃稱厥職

特加永吉太子太保以大學士管吏部尙書事十四年四月
奏言入夏以來亢陽不雨

皇上竭誠祈禱恭祀

圜丘甘霖旋霑真千載僅見之盛事然誠敬格

天不在升中告虔之日卽

欽差大臣清理刑獄一事已通

帝座而協休徵矣今直隸各省俗未還醇訟獄繁熾承問者
怵于功令恐蹈徇情之罰又且急于定讞附以深文
未必準合律情況當耕耘力作時關檄勾提恐妨農

業乞下直省督撫巡按文到之日速行清理獄囚如有殊常冤枉奏請

上裁其贖徒以下保釋寧家庶洋澤宏敷不崇朝而遍四海矣奉

勅下所司議行十月以地震具疏引罪得

旨朕因地震深自惕勵兼命諸臣共加修省王永吉身爲大學士卽宜實力修省反虛飾認罪似此徒博虛名何如盡心實事耶十五年四月以其姪樹德私通科場關節事發降五級調用九月補太常寺少卿十月遷都察院左

副都御史十六年二月卒

上諭部臣曰王永吉前因好勝沾名故降級示抑使省改自新不意遽嬰疾奄逝朕甚悼焉念其服官有年勤勞素著宜加曠典以昭優恤著贈少保兼太子太保吏部尙書照一品例給予祭葬立碑蔭一子遣官護喪歸里

賜謚文通

王鐸列傳

王鐸河南孟津人明天啟二年進士改庶吉士授編修洊陞少詹事充經筵講官崇禎十一年春進講中庸唯天下至聖章旁及時事有白骨如林語莊烈帝切責其敷衍支吾不能發揮精義鐸惶懼俯伏案前待罪明年大學士張至發奏東宮出閣時設侍班四人講讀六人校書二人皆以翰林及詹事坊局官兼任時廷議舉諭德黃道周至發屏之而鐸爲侍班尋乞假歸里十七年三月擢禮部尙書未赴流賊李自

成陷京師明福王朱由崧立于江寧鐸與詹事姜曰廣並授東閣大學士道遠未至大學士馬士英入輔政出史可法督師揚州嗾其黨朱統鑣劾曰廣去之鐸至遂爲次輔是年十二月刑部尙書解學龍治從賊獄仿唐制六等定罪庶吉士周鍾曾爲賊草勸進表又上書勸賊早定江南與率先從逆之光時亨僅列二等擬緩決士英傳旨令再議學龍謀之鐸欲緩周鍾時亨死伺士英注籍上之且請停刑鐸卽擬俞旨褒以詳慎平允士英聞之大怒削學龍籍而置鐸

不問

本朝順治二年五月豫親王多鐸克揚州將渡江明福王走蕪湖留鐸守江寧鐸同禮部尙書錢謙益等文武數百員出城迎豫親王奉表降尋至京侯用三年正月

命授禮部尙書管宏文院學士充明史副總裁六月
賜朝服四年充

殿試讀卷官六年正月授禮部左侍郎充

太宗文皇帝實錄副總裁十月遇

恩詔加太子太保八年晉少保是年三月疏言帝王御世莫

不重道尊師今

上親政伊始百度維新請

幸學釋奠並

命祭酒司業諸臣于彝倫堂進講先期

敕工部修葺聖廟仍照例咨調衍聖公及四姓博士赴京陪

祀以襄盛典得

旨釋奠大典允宜舉行其令擇吉具儀以進葺

文廟如所請行五月御史張煊疏劾吏部尚書陳名夏私

庇南人以鐸資深不得陞尙書反陞資淺右侍郎陳之遴爲証名夏謂之遴陞任由尙書譚泰侍郎李率泰等偏徇九卿莫有言鐸居宮優者乃推陞之遴得辨釋九年三月授鐸禮部尙書而鐸先以二月間祭告西嶽江瀆事竣乞假歸里卒於家事

聞贈太保

賜祭葬如例謚文安廕孫之鳳中書舍人長子無黨初仕明爲指揮同知人

本朝官山西河東道姜瓖叛時巡撫祝世昌奏其禦賊

有功尋遷濟東道次子無咎順治三年進士官至太常寺少卿

梁雲構列傳

梁雲構河南蘭陽人明崇禎元年進士歷官僉都御史福王時授兵部侍郎

本朝順治二年豫親王多鐸兵下江南雲構隨忻城伯

趙之龍等迎降十月大學士洪承疇薦雲構堪大任詔交部擬用三年四月起授通政司叅議五年八月遷大理寺卿九月擢戶部左侍郎六年十月卒

賜祭葬如例謚康僖入祀鄉賢祠七年二月

特賜右都御史蔭一子入監讀書

夏目漱石

劉應賓列傳

劉應賓山東沂水人明進士官吏部郎中流賊李自成陷京師應賓子琪與高珍高鏐等乘亂聚衆聞我朝大兵將至琪南投明總兵劉澤清後被殺應賓亦南逃明福王授以通政使

本朝順治二年五月大兵下江南應賓投誠七月擢安廬池太巡撫時明僉都御史金聲據徽州應賓同總兵卜從善張天祿等破擒之三年三月以太平涇縣土賊殺官劫印應賓近駐寧國失防招撫大學士洪

夏目傳
卷八
承疇疏劾以

聞

上以應賓有整理殘疆勞免究四月疏言太平府姑溪橋米
稅金溪柱山商稅安慶府江上鹽稅皆創于明崇禎
末年商民滋累宜革部議從之又言寧國太平二府
界連土賊甚多廣德州北通高溧南通徽寧此勦彼
逸日滋延蔓今遣總兵張應慶邱越兵備道高峻鳳
副將馬希珍等分路招降賊首鄭壁等二百餘名解
散賊聚數萬不服者誅之賊漸平十月疏奏青陽石

埭土賊王印伯高近之結衆謀亂遣知府馬宏長推
官彭清典分兵緝捕斬之及賊黨曹一楊等又奏江
西彭澤鄱陽等處賊了悟和尚等肆行劫掠檄池州
叅將折桂往勦俘獲甚衆俱報

聞尋洪

承疇復劾應賓衰頹不職不能爲地方興利除害濫
給武職劄付致奸人藉作護符假公肆擾下部議革
職尋卒

苗胙土列傳

苗胙土山西澤州人明天啟二年進士授戶部主事
洊陞郎中外轉陝西關南叅議道崇禎九年四月擢
僉都御史撫治鄖陽時流賊出沒楚豫張獻忠自均
州馬守應自新野蝎子塊自唐縣合衆二十餘萬劫
掠鄖襄總兵秦翼明兵少不能遏胙土遣使招降爲
賊所紿兵部尙書楊嗣昌劾論革職遣戍懷慶尋回
籍

本朝順治二年三月以山西巡撫馬國柱荐授南贛巡

撫胙土將之任疏言臣所轄者江西之南安贛州二府福建之汀州一府廣東之韶州南雄二府及惠潮二府內之和平龍川興寧程鄉平遠五縣湖廣之郴州今閩楚尙弄兵東粵未向化以一巡撫率十餘有司翩翻江上以就未附之地殊難濟事若暫用委署不足服人請

敕部臣

于所屬地方不論已附未附悉遴選道府廳縣及將領守巡各員給憑前來投一府則一府官蒞任收一縣則一縣官蒞任于地方及候選官皆便疏入得

旨南贛撫屬大小官員速遴補星馳前去三年七月疏言南

瑞等十一府倏順倏叛頑民以嘯劫爲常而南贛截
閩廣聯絡之衝邊湖南入閩之路三省所必爭勢所
犄角况新造之區舊兵星散難聚錢糧空乏難徵臣
以一大臣提不經戰之士兵嘗試其間誠爲凜慄請
救撥戰兵數千其守南贛時總督洪承疇遣江寧總兵柯永

盛領兵與江西總兵金聲桓會勦賊寇昨土因疏言
江西各府叛服靡常總以贛州爲觀望贛州不定則
江右之亂萌未歇今諸路十餘營環列城外已四閱

月豈真無隙可乘由兵將分標號令匪一士卒無統
因之旂鼓不振今鎮臣金聲桓柯永盛智勇兼備部
下士馬精雄若以一師守南昌一師至贛州令諸營
將領悉聽節制庶號令明而蕩平可奏疏下部議合
聲桓仍駐南昌調永盛南贛總兵鎮守地方是年九
月胙士卒

貳臣傳卷之八終